



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU POLITIČKE STRANKE **BOSANSKOHERCEGOVAČKI BH ZELENI**

Broj: 03-07-6-383/23
Sarajevo, 03.07.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1 NALAZI.....	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Bosanskohercegovački BH Zeleni za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je politička stranka Bosanskohercegovački BH Zeleni prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja političke stranke Bosanskohercegovački BH Zeleni za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, politička stranka Bosanskohercegovački BH Zeleni se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	15.960,00	21,59
2.	Prilozi fizičkih lica (3-a)	30.200,00	40,86
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	15.264,38	20,65
7.	Prihodi iz budžeta (3-f)	12.493,25	16,90
8.	Prihodi od propagande (3-g)	0,00	0,00
I	Ukupni prihodi (1-8)	73.917,63	100,00
II	Ostali prihodi i drugo	0,00	0,00
	Izvori finansiranja (I+II)	73.917,63	100,00

U godišnjem finansijskom izvještaju za 2022. godinu stranka je iskazala rashode u ukupnom iznosu od 73.436,60 KM.

2. PREDSTAVLJANJE POLITIČKE STRANKE

Naziv političke stranke je Bosanskohercegovački BH Zeleni. Skraćeni naziv stranke je BH Zeleni.

Politička stranka je dana 27.04.2020. godine, Rješenjem broj: 085-0-01-20-000-005 upisana u registar političkih organizacija kod Osnovnog suda u Doboju pod imenom Nezavisna lista Doboju-Sevlid Hurtić. Rješenjem broj 085-0-01-22-000-001 od 21.02.2022. godine upisana je promjena naziva političke stranke koji glasi: Bosanskohercegovački BH Zeleni.

Sjedište političke stranke je u Doboju, Srpskih sokolova 11.

Ovlašteno lice za zastupanje stranke je Sevlid Hurtić, predsjednik stranke.

Ovlašteno lice za podnošenje finansijskih izvještaja za 2022. godinu je Svjetlana Dodevska.

Prema podacima iz godišnjeg finansijskog izvještaja za 2022. godinu, Bosanskohercegovački BH Zeleni nemaju niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Bosanskohercegovački BH Zeleni za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja političke stranke Bosanskohercegovački BH Zeleni obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja političke stranke Bosanskohercegovački BH Zeleni za 2020. i 2021. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima i preporukama stranci: da finansijska sredstva koristi u skladu sa programom utroška sredstava i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1 NALAZI

a) Bosanskohercegovački BH Zeleni prekršili su odredbe člana 4. stav (1) Zakona o finansiranju političkih stranaka.

U godišnjem finansijskom izvještaju za 2022. godinu Bosanskohercegovački BH Zeleni su iskazali ukupne troškove u iznosu od 73.436,60 KM, koji uključuju trošak amortizacije u iznosu od 4.491,00 KM.

Uvidom u Program utroška sredstava za 2022. godinu, koji je stranka donijela 29.12.2021. godine utvrđeno je da su ukupni rashodi planirani u iznosu od 102.000,00 KM i to: režijsko materijalni i ostali troškovi u iznosu od 42.000,00 KM, oglašavanje, štampanje plakata, reklama i propaganda u iznosu od 50.000,00 KM i prijava za izbore u iznosu 10.000,00 KM.

Uvidom u godišnji finansijski izvještaj, utvrđeno je da je stranka ostvarila troškove za koje nije moguće utvrditi u kojem iznosu su planirani. To su: troškovi poštarine, internet usluga u iznosu od 69,00 KM, troškovi zakupnine poslovnih prostora u iznosu od 16.299,99 KM, troškovi usluga u iznosu od 72,00 KM, troškovi reprezentacije u iznosu od 3.144,50 KM, troškovi platnog prometa u iznosu od 283,60 KM, takse, novčane kazne i slično u iznosu od 8.000,00 KM, ostali rashodi u iznosu od 287,00 KM, troškovi knjigovodstvenih usluga u iznosu od 1.200,00 KM i troškovi prevoza u iznosu od 1.100,00 KM, odnosno ukupno 30.455,39 KM. U okviru Programa utroška sredstava,

stranka je planirala režijsko materijalne i ostale troškove u jednom iznosu od 42.000,00 KM, tj. nije planirala troškove po vrstama.

Stranka je dostavila i Rebalans Programa utroška sredstava za 2022. godinu, broj: 04_1/2022 od 03.11.2022. godine, koji takođe nije sačinila po vrstama troška. Rebalans Programa utroška sredstava ne sadrži obrazloženje u kojem su navedeni razlozi zašto je došlo do izmjene programa utroška, te isti nije uzet u razmatranje.

S obzirom da politička stranka Bosanskohercegovački BH Zeleni nije sačinila program utroška na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim, prekršila je odredbe člana 4. stav (1) Zakona o finansiranju političkih stranka.

b) Politička stranka prekršila je odredbe člana 5. stav (4) Zakona o finansiranju političkih stranaka.

- (1) Uvidom u blagajničku dokumentaciju, utvrđeno je da je stranka u periodu od 11.05. do 03.09.2022. godine u gotovini primila članarinu od 48 fizičkih lica u ukupnom iznosu od 5.760,00 KM, te je iste uplatila na transakcijski račun dana 15.09.2022. godine, dok je članarine primljene 10.09.2022. godine od 11 fizičkih lica u ukupnom iznosu od 1.320,00 KM, uplatila na transakcijski račun dana 22.09.2022.

Na osnovu navedenog, utvrđeno je da je stranka članarine primljene u gotovini u iznosu od 7.080,00 KM uplatila na transakcijski račun nakon protoka roka od 10 dana od prijema gotovinske uplate, čime su prekršene odredbe člana 5. stav (4) Zakona o finansiranju političkih stranaka.

- (2) Uvidom u ugovore o zakupu poslovnih prostora, koje je stranka koristila u Gračanici, Gradačcu, Tuzli, Kladnju, Živinicama, Srebreniku, Kalesiji i Klokotnici (Doboj Istok), utvrđeno je da je stranka pored zakupnine bila u obavezi da plaća električnu energiju, vodu, grijanje i odvoz smeća.

S obzirom da Bosanskohercegovački BH Zeleni nisu platili navedene troškove, ostvarili su nenovčanu donaciju koju su u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka bili dužni evidentirati u poslovnim knjigama i prijaviti u godišnjem finansijskom izvještaju za 2022. godinu. Neprijavljivanjem pomenutih nenovčanih donacija, stranka je prekršila odredbe člana 5. stav (4) Zakona o finansiranju političkih stranaka.

c) Politička stranka prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja za 2022. godinu i druge finansijske dokumentacije, utvrđeno je da politička stranka Bosanskohercegovački BH Zeleni nije vodila pravilne i potpune evidencije o prihodima, rashodima i obavezama, te godišnji finansijski izvještaj za 2022. godinu nije popunila u skladu sa Pravilnikom o godišnjim finansijskim izvještajima političkih stranaka (u daljnjem tekstu: Pravilnik), što je suprotno računovodstvenim propisima i odredbama člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Bosanskohercegovački BH Zeleni nisu u godišnjem finansijskom izvještaju iskazali sve organizacione dijelove političke stranke, čime su prekršili odredbe člana 10. Pravilnika.

Na obrascu 1.1 (Opći podaci o političkoj stranci-teritorijalna organizacija političke stranke) godišnjeg finansijskog izvještaja stranka je navela da ima samo Glavni odbor.

Kontrolom ugovora o zakupu poslovnih prostora, utvrđeno je da je politička stranka Bosanskohercegovački BH Zeleni tokom 2022. godine osim u Doboju, imala zakupljene poslovne prostore i u Gračanici, Gradačcu, Tuzli, Kladnju, Živinicama, Srebreniku, Kalesiji i Klokotnici (Doboj Istok), što potvrđuje činjenicu da je stranka imala i niže organizacione dijelove.

- (2) Stranka u godišnjem finansijskom izvještaju nije iskazala tačne podatke o svojim prihodima, čime je prekršila odredbe člana 13., 14., 18. i 19. Pravilnika.

- Stranka je u obrascu 3 (Izvori finansiranja) i 3-a (Prilozi fizičkih lica) godišnjeg finansijskog izvještaja iskazala prihode po osnovu donacija od fizičkih lica u iznosu od 30.200,00 KM.

Kontrolom izvoda sa transakcijskog računa stranke broj: 5540060001256471 kod Naše banke a.d. Bijeljina, utvrđeno je da je stranka na transakcijski račun primila donacije-priloge fizičkih lica u ukupnom iznosu od 29.000,00 KM, dok iznos od 1.200,00 KM predstavlja nenovčanu donaciju po osnovu korištenja poslovnog prostora bez naknade u Doboju.

Uvidom u Ugovor o zakupu poslovnog prostora koji je zaključen 01.06.2020. godine sa Hurtić Refikom, na neodređeno vrijeme, počev od 01.05.2020. godine, a koji se nalazi u Doboju, Srpskih sokolova br. 11, utvrđeno je da je stranka koristila poslovni prostor čija je zakupnina iznosila 100,00 KM na mjesečnom nivou, što za godinu dana iznosi 1.200,00 KM. U cijenu su uključeni troškovi struje, vode, grijanja, odvoz smeća i svi drugi režijski troškovi. Prema podacima iz samog ugovora zakupac nije imao obavezu plaćanja zakupnine, jer se zakupodavac odrekao naplate zakupnine u korist zakupca, a na ime dobrovoljnog priloga fizičkog lica zakupcu.

Na osnovu navedenog, utvrđeno je da je stranka nenovčanu donaciju umjesto u obrascu 3-e (nenovčane donacije i računi koje politička stranka nije imala obavezu plaćati) iskazala u obrascu 3-a (prilozi fizičkih lica).

- Bosanskohercegovački BH Zeleni su u godišnjem finansijskom izvještaju nepravilno iskazali podatke o prihodima iz budžeta, čime su prekršili odredbe člana 19. Pravilnika.

Stranka je u obrascu 3-f (prihodi iz budžeta) iskazala prihode iz budžeta Grada Banjaluka u iznosu od 3.681,92 KM. Uvidom u izvode sa transakcijskog računa broj: 5540060001257150 kod Naše banke a.d. Banja Luka, utvrđeno je da su stranci uplaćena sredstva iz budžeta entiteta Republika Srpska u tom iznosu, a ne iz budžeta Grada Banjaluka.

- (3) U skladu sa odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

Uvidom u potvrde o primljenim priložima koje je stranka izdala fizičkim licima, utvrđeno je da pojedine potvrde ne sadrže broj ličnog dokumenta donatora, te adresu i mjesto prebivališta donatora, što je suprotno odredbama člana 6. Pravilnika.

- (4) Politička stranka nije uspostavila potpune i pravilne evidencije o rashodima, te u poslovnim knjigama i u obrascima godišnjeg finansijskog izvještaja nije iskazala sve rashode, čime je prekršila odredbe člana 21 i 22. Pravilnika.

- Stranka nije uspostavila evidencije o troškovima po svojim organizacionim dijelovima niti je u godišnjem finansijskom izvještaju iskazala podatke o troškovima u obrascima 4.1 (režijsko-administrativni i ostali troškovi) za svaki organizacioni dio posebno, a što je bila obavezna u skladu sa odredbama člana 21. i 22. Pravilnika.
- Stranka u obrascu 4.1 godišnjeg finansijskog izvještaja nije pravilno iskazala troškove zakupa poslovnih prostora.

U godišnjem finansijskom izvještaju stranka je iskazala troškove zakupa poslovnih prostora u ukupnom iznosu od 16.299,29 KM.

Uvidom u poslovne knjige i ugovore o zakupu poslovnih prostora, utvrđeno je da je Glavni odbor u Doboju imao imao zakupljen poslovni prostor čiji su troškovi zakupa iznosili 1.339,29 KM, skupa sa pripadajućim porezom na iznajmljenu nekretninu u iznosu od 139,29 KM.

Osim Glavnog odbora, utvrđeno je da je stranka imala zakupljene poslovne prostore i u: Gračanici u iznosu od 2.000,00 KM, Gradačcu u iznosu od 2.250,00 KM, Tuzli u iznosu od 2.250,00 KM, Kladnju u iznosu od 2.250,00 KM, Živinicama u iznosu od 2.160,00 KM,

Srebreniku u iznosu od 1.800,00 KM, Kalesiji u iznosu od 1.250,00 KM i Klokotnici (Doboj Istok) u iznosu od 1.000,00 KM.

Stranka je pomenute troškove trebala iskazati po organizacionim odborima.

Takođe, uvidom u poslovne knjige stranke i obrazac 4.1 godišnjeg finansijskog izvještaja, utvrđeno je da politička stranka troškove koji proizilaze iz ugovora o zakupa poslovnih prostora, a koji se odnose na troškove električne energije, utrošene vode, troškove grijanja i troškove odvoza smeća nije evidentirala u poslovnim knjigama niti iskazala u godišnjem finansijskom izvještaju.

- (5) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i slično.

Računi na osnovu kojih je politička stranka evidentirala i platila dio troškova propagande ne predstavljaju ispravne i vjerodostojne knjigovodstvene isprave.

- Uvidom u račune pravnih lica „Cromax“ d.o.o. Čelić, broj: 00263/22 od 17.09.2022. godine u iznosu od 3.276,00 KM, „Mellain“ d.o.o. Tuzla, broj: 2022/1-10-260-218 od 13.09.2022. godine u iznosu od 1.100,00 KM, JP „Radio-televizija 7“ d.o.o. Tuzla, broj: I01-001-346/2022 od 06.09.2022. godine u iznosu od 877,50 KM, „Grin“ d.o.o. Gračanica, broj: 003-0653/22 od 19.09.2022. godine u iznosu od 1.921,14 KM, broj: 003-00006/22 od 22.09.2022. godine u iznosu od 421,20 KM i broj: 003-00007/22 od 23.09.2022. godine u iznosu od 210,60 KM, JP „Radio-televizija TK“ d.o.o. Tuzla, broj: 614/2022-120-U od 29.09.2022. godine u iznosu od 1.979,64 KM i „Neon solucije“ d.o.o. Kalesija, broj: 049894 od 27.09.2022. godine u iznosu od 80,00 KM, utvrđeno je da pomenuti računi nisu potpisani od strane korisnika usluga, niti je na drugi način politička stranka potvrdila da je usluga izvršena.
 - Računi TR „ADO“ vl. M. V. Doboj Istok, broj: 12090 od 20.09.2022. godine na iznos od 3.412,50 KM i broj: 12110 od 06.10.2022. godine na iznos od 269,20 KM, kojima su političkoj stranci fakturirani promotivni materijali, ne sadrže potpis ovlaštene osobe niti potpise osobe koja je izdala i osobe koja je primila robu.
 - Na računu pravnog lica „Foto Bliko“ tradicionalni i stari obrt Tuzla, političkoj stranci su fakturirane usluge praćenja izborne kampanje i promovisanje na portalu bhreporter.ba u količini 1 po cijeni od 700,00 KM, pa nije moguće utvrditi termine oglašavanja, dužinu trajanja dnevnih oglašavanja niti cijenu. Takođe, račun nije potpisan od strane korisnika usluge.
- (6) Stranka nije uspostavila pravilne evidencije o svojim obavezama i nije popunila obrazac 5 (obaveze) godišnjeg finansijskog izvještaja u skladu sa odredbama člana 24. Pravilnika.

Stranka u godišnjem finansijskom izvještaju nije iskazala obaveze na dan 31.12.2022. godine, dok je u Bilansu stanja evidentirala obaveze u iznosu od 585,00 KM.

Pregledom poslovnih knjiga, dodatne dokumentacije i godišnjeg finansijskog izvještaja, utvrđeno je da politička stranka Bosanskohercegovački BH Zeleni nije iskazala obaveze prema dobavljaču Identity d.o.o. Tuzla u iznosu od 585,00 KM

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača

koje je objavila Centralna izborna komisija BiH¹. Prema podacima Centralne izborne komisije BiH, politička stranka Bosanskohercegovački BH Zeleni je u svrhu izborne kampanje mogla da potroši sredstva u iznosu od 1.197.150,60 KM.

Politička stranka Bosanskohercegovački BH Zeleni je u godišnjem finansijskom izvještaju za 2022. godinu iskazala troškove kampanje u iznosu od 31.290,21 KM.

5.2 PREPORUKE

Preporučuje se političkoj stranci Bosanskohercegovački BH Zeleni da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da donosi precizan program utroška sredstava po vrstama troškova i da finansijska sredstva koristi u skladu sa programom,***
- ***da u skladu sa odredbom člana 5. stav (4) Zakona o finansiranju političkih stranaka, članarine uplaćuje na transakcijski račun političke stranke najkasnije u roku od 10 dana od prijema uplate,***
- ***da prijavljuje sve priloge bez obzira na koji način ih ostvaruje,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,***
- ***da sadržaj potvrde o primljenim priložima uskladi sa odredbom člana 6. Pravilnika o godišnjim finansijskim izvještajima političkih stranaka i***
- ***da poslovne knjige vodi u skladu sa računovodstvenim propisima, odnosno da vodi pravilne evidencije o rashodima.***

KOMENTAR:

U ostavljenom roku, Bosanskohercegovački BH Zeleni nisu dostavili primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez

¹ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.